

terdum Cinarocephalas à Corymbiferis fecernunt, sed his addendus habitus in Cinarocephalis uniformis, in Corymbiferis varius. An Corymbiferarum ordo posthac in plures dividendus?

Flores omnes hermaphroditi Polygamiam æqualem Linnæi constituunt, hermaphroditi foemineis mixti Polygamiam superfluum, iidem mixti neutris Polygamiam frustraneam, masculi foemineis mixti Polygamiam necessariam, calices juncti uni aut multiflori Polygamiam segregatam, iidem distincti uniflori Monogamiam. Antheræ in omnibus connatæ Syngenesiam produnt diversas connectentem in eadem classe Linnæanâ Polygamias.

O R D O I.

CICHORACEÆ, LES CHICORACÉES.

FLORES ligulati omnes & hermaphroditi. Calix communis varius. Ligulæ apice integræ aut dentatæ. Singulis stigma duplex. Semen nudum aut papposum. Receptaculum nudum aut tectum pilis vel paleis. Plantæ lactescentes, herbacæ, sæpè caulescentes. Folia alterna. Flores plerumque lutei.

I. Receptaculum florum nudum. Semen non papposum.

LAMPSANA, T. V. * **LAPSANA**, L. * *Lampfane*. Calix 8-phyllus connivens erectus, caliculatus caliculo brevi, multiflorus. Semina non involuta.

RHAGADIOLUS, T. V. * **LAPSANA**, L. * *Ragadiole*. Calix caliculatus caliculo brevi, 5-8-phyllus oblongus, 8-12-florus, foliolis semina marginalia complectentibus & tunc simul in stellam divaricatis. Semina centralia 3-4, interdum abortiva.

II. Receptaculum nudum. Semen papposum, pappo piloso.

PRENANTHES, V. L. * **CHONDRILLA**, T. * **LACTUCA**, T. * Calix 4-5-phyllus connivens cylindricus sub 5-florus, caliculatus caliculo brevi. Pappus plerumque sessilis. Flores quarundam non lutei. Genus vix à Chondrillâ distinctum.